



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1842**

XI. Die Fürsten von Werle sprechen die Comthurei Mirow von Rechtsstreitigkeiten frei, welche ihnen seitens der Herren von Havelberg wegen der Mirowschen Mühle gemacht werden können, im Jahre 1276.

---

---

**Nutzungsbedingungen**

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

**XI.** Die Fürsten von Werle sprechen die Comthurei Mirow von Rechtsfreitigkeiten frei, welche ihnen seitens der Herren von Havelberg wegen der Mirowschen Mühle gemacht werden könnten, im Jahre 1276.

Henricus et Johannes, Dei gratia filii nobilis viri domini Nicolai de Werle, omnibus hoc scriptum visuris salutem in domino sempiternam. Ad noticiam vniuersorum volumus peruenire, quod nos litteras patris nostri predicti vidimus non cancellatas, non abolitas, nec in aliqua parte uiciatas, in hec verba: Nicolaus, Dei gratia dominus de Werle, omnibus presens scriptum visuris salutem in perpetuum. Notum esse volumus vniuersis et presentibus protestamur, quod nos domino Johanni de Havelbergh beate memorie dedimus denarios pro eo, quod per agros suos de magno stagno Muriz dicto fossatum facere possemus ad molendinum, quod Boke vulgariter dicitur, relinquens nostre iurisdictioni, quid mali per cursum aque Muriz posset inferius et superius euenire. Unde cum predecessores nostri uiris religiosi fratribus in Mirouue sancte domus hospitalis Yerofolimitane sancte Johannis baptiste molendinum eorum in villa ipsorum dederint, nec ipsi etiam aggerem molendini in aliquo exaltauerint, sicut notorium est et apertum, nec de eorum molendino apud nos est aliqua querimonia recitata, antequam aqua Muriz per nostram licenciam emitteretur, nolumus predictos fratres in molendino suo ab aliquibus seu ab aliquo ab aque creescencia molestari. Ut igitur hec firma sint et ne possint a nostris successoribus dubitari, sigilli nostri testimonio roboramus. Testes sunt: Stephanus prepositus in Robele; milites: Henricus aduocatus dictus de Ulotouue, Ludolfus de Zuerin; famuli: Olricus de Bardenulete, Wilhelmus camerarius, Bertramus de Malchouue minor aduocatus, Hermanus in Robele, Henricus minor aduocatus in Wefenbergh, et alii quam plures prouidi et honesti. Acta sunt hec anno domini M<sup>o</sup>CC<sup>o</sup>XXIII<sup>o</sup>, datum de manu Godefridi prepositi Gustrouuensis, pridie idus Septembris, Robele. Robele hanc litteram seu donationem, predictis fratribus a nostro patre et domino predicto collatam, ratam habemus et approbamus, et ne aliquis hominum cuiuscumque conditionis in posterum hanc donationem rationabiliter factam uiolare valeat, sigillorum nostrorum munimine roboramus. Ceterum in presenti scripto protestamur, quod Bertoldus miles, filius domini Johannis de Havelberg, coram nobis et nostris feodalibus quam plurimis abrenuntiauit omni iuri, uel dampno, seu inpetitioni, uel actioni qualicumque, quam se habere dicebat de fratribus predictis uel submersione aque ipsorum molendini in Myrouue, sicut etiam notum est quampluribus et sepius approbatum, eorum aggerem et molendinum loco et modo debito positos, sicut etiam nobis innotuit a fide dignis. Nolumus etiam predictos fratres ab aliquibus in predicto molendino uel aggere suo aliquo modo molestari, vel ad iudicium trahi seculare. Si uero aliqui super isto dictos fratres inpetere ac molestari temptauerint, nos, pro ipsis in tali inuentione responsuri, ab omnibus excipiemus eisdem libere absoluedo. Cum igitur ratio probabilis ac euidentis testimonium bonorum ac laudabilium ea, que quandoque confuscacioni inuoluuntur, inpetitionis ac inuersionis oblique ac indebite immunia efficiat, censentes ueritati, scrutati sumus a nostris feodalibus fide dignis, memoratos fratres bis coram dilecto patre nostro ab inuentione aque et molendini se penitus per iuris sentencias, quam plurimis hoc testantibus, de insultu prefati militis domini B. et sibi consencientium excepisse et liberos] de iudicio euasisse. Quamobrem cum tam euidentis causa et actio lucida dubietatis serupulo cor nostrum nostramque conscienciam non valeat nec debeat obnubilando obfuscare, nec a ueritatis ferie segregari, et quod magis est, nunc tertio coram nobis prehabitos fratres ab eadem inuentione [multis] presentibus rationabiliter et libere defensos et dimissos cause memorate et immunes; insuper et sepe dictus miles sui que fratres cum suis parentibus memoratis fratribus omnem



actionem quoad hanc causam, quam ipsi seu heredes eorum habent seu habere possent, perpetuo resignarunt: igitur testamur, et nos cum patre nostro dilecto, necnon ceterorum militum ac famulorum testimonio, commenda[to]rem fratres[que] ipsos utique nos debere a dicto domino B., nec suis fratribus, nec a quoquam alio hactenus inpetendo perturbari, nec ad eorum proprietatem aliquid de dictis bonis attrahere deposcentes. In cuius testimonium presentem cartulam nostrorum fecimus sigillorum munimine roborari; et quia temporis habilitas et future propaginis ignorancia tutum et cautum edocuit, experimento multorum scripti memoriam in aliquibus necessariis sub notabili testimonio memoriter notando co[n]seruari, hanc cautelam cognoscentes, presentem cartulam subscriptis testibus confirmamus, nobis uidelicet H. et Joh. dominis de Werle, et domino Her. de Lan[ge]uorde aduocato tunc temporis, et domino H. de Havelbergh cum ipso actore fratre suo domino Ber., et domino Priscebur, et domino Cummino, et domino Remberto de Stoculete, et domino Ludolfo de Zuerin, et domino Step[hano] cappellano, et domino Johanne aduocati notario, et Ricberto minore aduocato, et Jacobo iuniore, quos in huius cause determinacionem et rei conscriptionem nominimus adiutores. Datum in Robele anno domini M°. CC°. LXX°. VI°. III°. idus Junii.

Nach dem Original des Geh. Kabinet[s]-Archives. Vgl. Jahrbücher des Meckl. Vereines II, 228 — 231.

**XII.** Heinrich, Herr von Mecklenburg-Stargard, beurfundet unter Zustimmung des Bischofes Gottfried von Schwerin, daß er dem Kloster Doberan dessen Besitzung zu Zechlin abgetauscht habe, im Jahre 1306.

In nomine Domini amen. Henricus Dei gracia Dominus Magnopolensis et Stargardensis uniuersis presentia uisuris seu audituris in perpetuum. Diversis olim tractatibus habitis inter nos ex una et venerabilem virum Dominum Johannem Abbatem Doberanensem ac ipsius conuentum Zwerinensis Dyocefsis, parte ex altera super eo, quod possessiones, proprietates et jura quelibet, que idem Abbas et conuentus habuerunt in Parochia Zechghelyn Havelbergenfis Dyocefsis ecclesiastico et seculari jure minus utiles ipsis essent, tum propter nimium distanciam a Monasterio suo, tum propter inhabitantium Potentiam, Nobisque propter contiguitatem, quam habent cum terra nostra Stargardenfi, utilitate plurima conuenirent, diligenti tandem utrinque tractatu et consilio prehabitis, in permutationem utrobique perutilem conuenimus in hunc modum uidelicet, quod predicti Abbas et conuentus nobis dimiserunt, cesserunt et assignauerunt omnia bona, possessiones, jura, proprietates siue dominia, que in villa Zechghelin et in ejus confinio habuerunt, Contentientes, quod cum hujusmodi uniuersitate jus patronatus, quod in ecclesia parochiali ibidem habuerunt, in nos pariter transferretur. Nos itaque receptis omnibus supra dictis in nostram possessionem uel quasi, plenarie translatis adeo, quod a sepe dictis Abbate et conuentu nichil amplius petemus, nec hujus rei gracia litem aliquam in perpetuum mouebimus uel moueri faciemus, Recipientes in nos omnes contentiones et lites, que ipsis uel quibuscumque aliis circa predicta omnia et singula suborte sunt, uel in futurum poterunt quomodolibet suboriri, permutationis tytulo ipsis de nostro dominio donauimus libertatem talem, quod libere et licite possint emere quatuordecim Manfos intra terminos Parochie Nyenburgh, ubicumque ipsis fuerit opportunum, sed non in nostrorum curiis uasallorum, quorum proprietatem, que uulgo egendum dicitur, ipsis dedimus perpetuo possidendam. Ceterum hac permutatione secundum modum prescriptum cele-